

**BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
OPĆINSKI SUD U SARAJEVU**

Broj: 65 0 St 981998 22 St  
Sarajevo, 17.07.2024. godine

Općinski sud u Sarajevu, stečajni sudija Zlatan Bilić, u stečajnom postupku nad imovinom stečajnog dužnika „AFA RACING“ d.o.o. Sarajevo, Društvo za proizvodnju, trgovinu i usluge d.o.o. Sarajevo, ul. Željeznička bb, Donja Vogošća, Semizovac, van ročišta dana 17.07.2024. godine, donio je slijedeće:

**R J E Š E N J E**

OTVARA SE stečajni postupak nad imovinom stečajnog dužnika dužnika „AFA RACING“ d.o.o. Sarajevo, Društvo za proizvodnju, trgovinu i usluge d.o.o. Sarajevo, ul. Željeznička bb, Donja Vogošća, Semizovac.

Za stečajnog upravnika se imenuje Gazić Džebić Belma iz Sarajeva, ul. Sagrdžije 32, Sarajevo.

Određuje se upis zabilježbe rješenja o otvaranju stečajnog postupka u sudskom registru Općinskog suda u Sarajevu u matičnom registarskom broju subjekta upisa broj: 1-22627.

Zbog nedostatka stečajne mase za pokriće troškova stečajnog postupka ovaj stečajni postupak se neće provoditi, te se isti i ZAKLJUČUJE.

Nakon pravomoćnosti ovog rješenja, isto će se dostaviti Odjeljenju registra privrednih subjekata Općinskog suda u Sarajevu, radi brisanja stečajnog dužnika u matičnom registarskom broju subjekta upisa broj: 1-22627.

Troškovi stečajnog postupka padaju na teret stečajnog dužnika.

Ovo Rješenje će se objaviti u "Službenim novinama FBiH", na oglasnoj tabli suda, web stranici suda-elektronskoj tabli suda i na internet stranici FIA-e.

**O b r a z l o ž e n j e**

Rješenjem ovoga suda broj gornji od 06.12.2023. godine pokrenut je prethodni postupak radi utvrđivanja postojanja uvjeta za otvaranje stečajnog postupka nad imovinom stečajnog dužnika „AFA RACING“ d.o.o. Sarajevo, Društvo za proizvodnju, trgovinu i usluge d.o.o. Sarajevo, ul. Željeznička bb, Donja Vogošća, Semizovac, te je za privremenog stečajnog upravnika imenovana Gazić Džebić Belma iz Sarajeva.

U prethodnom postupku privremeni stečajni upravnik je dana 18.04.2023. godine dostavio dopunu Izvještaja u kojem je, pored ostalog, navedeno da je stečajni dužnik ispunio osnovne preduvjete za otvaranje stečajnog postupka u smislu član 6. stav 1., 2., 3. i 5. Zakona o stečaju Federacije Bosne i Hercegovine ("Službene novine Federacije BiH", br.: 53/21) i to: da je platežno je nesposoban duže od 60 dana (blokiran račun od 24.05.2013. godine); da nije u mogućnosti nastaviti poslovanje u toku prethodnog postupka, kao i da predumljena sredstva su dovoljna za pokriće troškova prethodnog postupka, pa kako privredno društvo ne posjeduje imovinu, a time ni stečajnu masu, potrebno je da se predujme sredstva za vodenje stečajnog postupka. Shodno navedenom, na ročištu održanom dana 23.04.2024. godine, saslušana je Belma Gazić Džebić, privremeni stečajni upravnik, te je ista iznijela izvještaj od 15.05.2024. vezan za vođeni prethodni postupak utvrđivanja postojanja uvjeta za otvaranje stečaja nad privrednim društvom „AFA RACING“ d.o.o. Sarajevo, Društvo za proizvodnju, trgovinu i usluge d.o.o. Sarajevo, ul. Željeznička bb, Donja Vogošća, Semizovac, te je ista zaključila da su ispunjeni uvjeti za otvaranje stečajnog postupka, obzirom na insolventnost stečajnog dužnika za izmirenje obaveza prema poslovnim knjigama. Tom prilikom sud je utvrdio da je privremeni stečajni upravnik u dopuni od 18.04.2024. godine konstatirala da društvo ne posjeduje imovinu koja bi činila stečajnu masu, pa je za potrebe vođenja stečajnog postupka potrebno predumiti sredstva u iznosu od 10.000,00 KM za neophodne troškove stečajnog postupka.

Cijeneći Izvještaj privremenog stečajnog upravnika, sa dopunom od 18.04.2024. godine, javnim pozivom od 15.05.2024. godine pozvani su povjerioci i zainteresovana lica da u roku od 30 (trideset) dana od dana objavljivanja istog, predlože otvaranje stečajnog postupka nad imovinom stečajnog dužnika. Kako imovina stečajnog dužnika nije dovoljna za pokriće troškova stečajnog postupka to su zainteresirana lica pozvana da izvrše uplatu predujma za obezbjeđenje troškova stečajnog postupka u iznosu od 10.000,00 KM na depozitni račun ovog suda broj 1411965320009639 otvoren kod BBI Banke, uz upozorenje da ukoliko u ostavljenom roku niko od pozvanih ne predloži otvaranje stečajnog postupka i ne uplati određeni predujam, sud će donijeti rješenje o otvaranju i zaključenju stečajnog postupka, a ako zainteresovana lica predlože otvaranje stečajnog postupka i uplate određeni predujam u navedenom roku, sud će otvoriti stečajni postupak i voditi ga u skladu sa odredbama Zakona o stečaju.

Predmetni oglas je objavljen u Službenim novinama Federacije Bosne i Hercegovine broj: 35/24 od 15.05.2024. godine, te je izvršeno javno oglašavanje putem oglasne table suda i web stranice suda-elektronske table suda.

U ostavljenom roku, a ni do dana donošenja ovog rješenja nije zaprimljena niti jedna prijava potraživanja, niti je dostavljen podnesak kojim je neko od povjerilaca ili zainteresovanih lica obavjestio sud da će uplatiti traženi iznos predujma.

Odredbom člana 115. Zakona o stečaju je propisano da stečajni povjerioci mogu svoja potraživanja prema stečajnom dužniku ostvarivati samo u stečajnom postupku.

Na osnovu Izvještaja privremenog stečajnog upravnika, utvrđeno je da stečajni dužnik duži vremenski period nije imao poslovnih aktivnosti i da su računi blokirani, da

stečajni dužnik nema imovine iz čije bi se prodaje mogli pokriti troškovi stečajnog postupka tj. nema stečajne mase.

Po Javnom pozivu od 15.05.2024. godine niko od pozvanih/zainteresovanih lica nije predložio otvaranje stečajnog postupka niti dostavio dokaz o uplati traženog predujma za pokriće troškova stečajnog postupka, pa obzirom da nema stečajne mase za pokriće troškova stečajnog postupka, niti je iskazana volja za predlaganje otvaranja stečajnog postupka a time ni predujmljivanje sredstava za pokriće troškova postupka, to sud nije ni provodio stečajni postupka, tj. isti je otvorio i odmah zaključio, shodno odredbi člana 102. stav 8. Zakona o stečaju.

Odluka o objavljivanju otvaranja i zaključenja stečajnog postupka donesena je na osnovu odredbi člana 102. stav 8. i 107. Zakona o stečaju.

Odluka o brisanju pravnog lica iz sudskog registra donesena je na osnovu odredbi člana 108. stav 1. tačka b). Zakona o stečaju.

**Stečajni sudija**  
**Zlatan Bilić**

**Pouka o pravnom lijeku:**

Protiv ovog rješenja dozvoljena je žalba. Žalba se podnosi Kantonalnom sudu u Sarajevu putem ovog suda u 3 (tri) primjerka, u roku od 8 dana od objave rješenja u "Službenim novinama FBiH".